

增壹阿含經

第二十二

二百六十八

聲香二

49433



增壹阿含經卷第二十二

符秦建元年三藏曇摩難提譯

須陀品第三十

聞如是一時佛在摩竭國波沙山中與大比丘衆五百人俱。爾時世尊清旦從靜室起，在外經行。是時須陀沙彌在。世尊後而經行。尔時世尊還顧謂沙彌曰：我今欲問卿義諦聽。諦聽善思念之。須陀沙彌對曰：如是。世尊是時世尊告曰：有常色及無常色爲是一義，爲有若干之貌。須陀沙彌白佛言：有常色及與無常色者，此義若干，非一義也。所以然者，有常色者是內無常色者，是外以是之。故義有



若干非有一也世尊告曰善哉善哉須陀如
汝所言快說此義有常色無常色此義若干
非一義也云何須陀有漏義無漏義爲是一
義爲若干義乎須陀沙彌對曰有漏義無漏
義爲若干非一義也所以然者有漏義是生
死結使無漏義者是涅槃之法以是之故義
有若干非一義也世尊告曰善哉善哉須陀
如汝所言有漏是生死無漏是涅槃世尊告
曰聚法散法爲是一義爲是若干義乎須陀
沙彌白佛言聚法之色散法之色此義若干
非一義也所以然者聚法之色者四大形也
散法之色者苦習盡諦也以是言之義有若

千非一義也世尊告曰善哉善哉須陀如汝
所言聚法之色散法之色義有若干非一義
也云何須陀受義陰義爲是一義爲有若干
乎須陀沙彌白佛言受與陰義義有若干非
一義也所以然者受者無形不可見陰者有
色可見以是之故義有若干非一義也世尊

告曰善哉善哉須陀如汝所言受義陰義事
有若干非一義也世尊告曰有字無字義有
若干爲是一義沙彌白佛言有字無字義有
若干非一義也所以然者有字者是生死結
無字者是涅槃也以是言之義有若干非一
義也世尊告曰善哉善哉須陀如汝所言有

字者是生死無字者是涅槃世尊告曰云何
須陀何以故名有字是生死無字是涅槃沙
彌白佛言有字者有生有死有終有始無字
者無生無死無終無始世尊告曰善哉善哉
須陀如汝所言有字者是生死之法無字者
是涅槃之法尔時世尊告沙彌曰快說此言
今即聽汝爲大比丘尔時世尊還詣普集講
堂告諸比丘摩竭國界使得善利使須陀沙
彌遊此境界其有以衣被飲食牀卧具病瘦
醫藥持供養者亦得善利彼所生父母亦得
善利乃得生此須陀比丘若須陀比丘所至
之家彼家便爲獲其大幸我今告諸比丘當

學如須陀比丘所以然者此須陀比丘極爲
聰明說法無滯礙亦無怯弱是故諸比丘當
學如須陀比丘如是諸比丘當作是學今時
諸比丘聞佛所說歡喜奉行

聞如是一時佛在羅閱城迦蘭陀竹園所與
大比丘衆五百人俱今時世尊與無央數之
衆前後圍遶而爲說法今時有長老比丘在
彼衆中向世尊舒脚而睡今時修摩那沙彌
年始八歲去世尊不遠結跏趺坐繫念在前
今時世尊遙見長老比丘舒脚而眠復見沙
彌端坐思惟世尊見已便說此偈

所謂長老者 未必剃鬚髮

雖復年齒長

不免於愚行

若有見諦法

無害於群萌

捨諸穢惡行

此名爲長老

我今謂長老

未必先出家

修其善本業

分別於正行

設有年幼少

諸根無漏缺

此謂名長老

分別正法行

尔時世尊告諸比丘汝等頗見此長老舒脚

而睡乎諸比丘對曰如是世尊我等悉見世

尊告曰此長老比丘五百世中恒爲龍身今

設當命終者當生龍中所以然者無有恭敬

之心於佛法衆若有衆生無恭敬之心於佛

法衆者身壞命終皆生龍中汝等頗見修摩

那沙弥年向八歲去我不遠端坐思惟諸比

丘對曰如是世尊是時世尊告諸比丘此沙
彌却後七日當得四神足及得四諦之法於
四禪而得自在善修四意斷所以然者此修
摩那沙彌有恭敬之心向佛法衆以是之故
諸比丘恒當勤加恭敬佛法之衆如是諸比
丘當作是學尔時諸比丘聞佛所說歡喜奉
行

聞如是一時佛在舍衛國祇樹給孤獨園尔
時世尊與大比丘衆千二百五十人俱尔時
有長者名阿那邠邠饒財多寶金銀珍寶車
磔碼碯真珠琥珀水精瑠璃象馬牛羊奴婢
僕從不可稱計尔時滿富城中有長者名滿

財亦饒財多寶碑礫碼碯真珠琥珀水精瑠
璃象馬牛羊奴婢僕從不可稱量復是阿那
邠邠長者少小舊好共相愛敬未曾忘捨然
復阿那邠邠長者恒有數千萬珍寶財貨在
彼滿富城中販賣使滿財長者經紀將護然
滿財長者亦有數千萬珍寶財貨在舍衛城
中販賣使阿那邠邠長者經紀將護是時阿
那邠邠有女名修摩提顏貌端正如桃華色
出之希有尔時滿財長者有少事緣到舍衛
城往至阿那邠邠長者家到已就座而坐是
時修摩提女從靜室出先拜跪父母後復拜
跪滿財長者還入靜室尔時滿財長者見修

摩提女顏貌端正如桃華色世之希有見已
問阿那邠邠長者曰此是誰家女阿那邠邠
報曰向見女者是我所生滿財長者曰我有
小息未有婚對可得適貧家不是時阿那邠
邠長者對曰事不冝尔滿財長者曰以何等
故事不冝尔爲以姓望爲以財貨耶阿那邠
邠長者報曰種姓財貨足相調匹但所事神
祠與我不同此女事佛釋迦弟子汝等事外
道異學以是事故不赴來意時滿財長者曰
我等所事自當別祀此女所事別自供養阿
那邠邠長者曰我女設當適汝家者所出財
寶不可稱計長者亦當出財寶不可稱計滿

財長者曰汝今索我幾許財寶阿那邠邠長者曰我今須六万兩金是時滿財長者即與六万兩金時阿那邠邠長者復作是念我以方便前却猶不能使止語彼長者曰設我嫁女當往問佛若世尊有所教勅當奉行之是時阿那邠邠長者假設事務如似小行即出門往至世尊所頭面禮足在一面立尔時阿那邠邠長者白世尊曰修摩提女爲滿富城中滿財長者所求爲可與爲不可與乎世尊告曰若當修摩提女適彼國者多所饒益度脫人民不可稱量是時阿那邠邠長者復作是念出尊以方便智應適彼土是時長者頭

面礼足遶佛三币便退而去還至家中供辦
種種甘饌飲食與滿財長者滿財長者曰我
用此食爲但嫁女與我不耶阿那邠邠曰意
欲尔者便可相從却後十五日使兒至此作
此語已便退而去是時滿財長者辦具所須
乘羽寶之車從八十由延內來阿那邠邠長
者復疋嚴己女沐浴香熏乘羽寶之車將此
女往迎滿財長者男中道相遇時滿財長者
得女便將至滿富城中尔時滿富城中人民
之類各作制限若此城中有女出適他國者
當重刑罰若復他國娶婦將入國者亦重刑
罰尔時彼國有六千梵志國人所奉制限有

言設犯制者當飯六千。梵志。尔時長者自知
犯制。即飯六千。梵志。然。梵志。所食均食。猪肉
及猪肉羹。重釀之酒。又。梵志。所著衣服。或被
白氎。或披毳衣。然。彼。梵志。之法。入國之時。以
衣偏著右肩。半身露見。尔時。長者。即。白。時。到。
飲食已具。是時。六千。梵志。皆。偏。著。衣。裳。半。身。
露見。入。長。者。家。時。長。者。見。梵。志。來。膝。行。前。迎。
恭敬作礼。最大。梵志。舉。手。稱。善。前。抱。長。者。項。
往。詣。座。所。餘。梵。志。者。各。隨。次。而。坐。尔。時。六。千。
梵。志。坐。已。定。訖。時。長。者。語。修。摩。提。女。曰。汝。自。
莊。嚴。向。我。等。師。作。礼。修。摩。提。女。報。曰。止。止。大。
家。我。不。堪。任。向。僮。人。作。礼。長。者。曰。此。非。僮。人。

非不有慙但所著衣者是其法服修摩提女
曰此無慙愧之人皆共露形體在外有何法
服之用長者願聽世尊亦說有二事因緣世
人所貴所謂有慙有愧若當無此二事者則
父母兄弟宗族五親尊卑高下則不可分別如
今有雞犬猪羊驢騾之屬皆共同類無有尊
卑以有此二法在世故則知有尊卑之序然此
等之人離此二法似雞犬猪羊驢騾同類實
不堪任向作禮拜時修摩提夫語其婦曰汝
今可起向我等師作禮此諸人皆是我所事
之天修摩提女報曰且止族姓子我不堪任
向此無慙愧人作禮我今是人向驢犬作

禮夫復語曰止止貴女勿作是言自護汝口
勿有所犯此亦非驢復非狂惑但所著之衣
正是法衣是時修摩提女涕零悲泣顏色變
異並作是語我父母五親寧形毀五刑斷其
命根終不墮此邪見之中時六千梵志各共高
聲而作是說止止長者何故使此婢罵詈乃
尔若見請者時供辦飲食是時長者及修摩
提夫即辦猪肉腊肉羹重釀之酒飯六千梵
志皆使充足諸梵志食已少多論議便起而
去是時滿財長者在高樓上煩寃愁惋獨坐
思惟我今取此女來便為破家無異辱我門
戶是時有梵志名修跋得五通亦得諸禪然

滿財長者所見貴重時修跋梵志而作是念
我與長者別來日久今可往相見是時梵志
入滿富城往詣長者家問守門者曰長者今
爲所在守門人報曰長者在樓上極爲愁憂
大不可言時梵志徑上樓上與長者相見梵
志問長者曰何故愁憂乃至於斯無縣官盜
賊水火災變所侵枉乎又非家中不和順耶
長者報曰無有縣官盜賊之變但小家中事
緣不遂梵志問曰願聞其狀有何事緣長者
報曰昨日爲兒娶婦又犯國限五親被辱請
諸師在舍將兒婦往禮拜而不從命梵志修
跋報曰此女家者爲在何國近遠娉娶長者

曰此女舍衛城中阿那邠邠女時彼梵志修
跋聞此語已愕然驚恠兩手揜耳而作是說
咄咄長者甚竒甚特此女乃能故在又不自
殺不投樓下甚是六幸所以然者此女所事
之師皆是梵行之人今日現在甚竒甚特長
者曰我聞汝語復欲嗤笑所以然者汝爲外
道異學何故歎譽沙門釋種子行此女所事
之師有何威德有何神變梵志報曰長者欲
聞此女師神德乎我今粗說其原長者曰願
聞其說梵志報曰我昔日詣雪山北人間乞
食得食已飛來詣阿耨達泉時彼天龍鬼神
遙見我來皆護持刀劔而來向我並語我言

修跋仙士莫來至此泉邊莫汗辱此泉設不
隨我語者正尔命根斷壞我聞此語即離彼
泉不遠而食長者當知此女所事之師最小弟子
名均頭沙弥然此沙弥亦至雪山北乞食飛來詣
阿耨達泉水叉手執塚間死人之衣血垢汗
染是時阿耨達大神天龍鬼神皆起前迎恭
敬問評善來人師可就此坐時均頭沙弥往
至泉水之處又復長者當泉水中央有純金
之案尔時沙弥以此死人之衣漬著水中却
後坐食食竟盪鉢在金案上結跏趺坐正身
正意繫念在前便入初禪從初禪起入第二
禪從第二禪起入第三禪從第三禪起入第

四禪從第四禪起入空處從空處起入識處
從識處起入不用處從不用處起入有想無
想處從有想無想處起入滅盡三昧從滅盡
三昧起入燄光三昧從燄光三昧起入水氣
三昧從水氣三昧起入燄光三昧次復入滅
盡三昧次復入有相無想三昧次復入不用
處三昧次復入識處三昧次復入空處三昧
次復入四禪次復入三禪次復入二禪次復
入初禪從初禪起而浣死人之衣是時天龍
鬼神或與躡衣者或以水澆者或取水而飲
者今時浣衣已舉著空中而曝之今時彼沙
彌收攝衣已便飛在空中還歸所在長者當

知我尔時遙見而不得近此女所事之師最
小弟子有此神力況復最大弟子有何可及
乎何況彼師如來至真等正覺而可及乎觀
此義已而作是說甚竒甚特此女乃能而不
自殺不斷命根是時長者語梵志曰我等可
得見此女所事師乎梵志報曰可還問此女
是時長者問須摩提女曰吾今欲得見汝所
事師能使我見不乎時女聞已歡喜踊躍不能
自勝而作是說願時辦具飲食明日如來當
來至此及比丘僧長者報曰汝今自請吾不
解法是時長者女沐浴身體手執香火上高
樓上叉手向如來而作是說唯願世尊當善

觀察無能見頂者然世尊無事不知無事不
察女今在此困厄唯願世尊當善觀察又以
此偈而頌曰

觀世靡不周
及降鬼子母
後復欲害母

佛眼之所察
如彼噉人鬼
然佛取降之

降鬼諸神王
取人指作鬘
又在羅閱城

暴象欲來害
復至馬提國

且如自歸命
復值惡龍王

諸天歎善哉
見密迹力士

而龍自歸命

諸變不可計

皆使立正道

我今復值厄

唯願尊屈神

尔時香如雲

懸在虛空中

遍滿祇洹舍

住在如來前

諸釋虛空中

歡喜而禮佛

又見香在前

須摩提所請 雨諸種種華 而不可計量

悉滿祇洹林 如來笑放光

尔時阿難見祇洹中有此妙香見已至世尊
所到已頭面礼足在一面立尔時阿難白世
尊言唯願世尊此是何等香遍滿祇洹精舍
中世尊告曰此香是佛使滿富城中須摩提
女所請汝今呼諸比丘盡集一處而行籌作
是告勅諸有比丘漏盡阿羅漢得神足者便
取舍羅明日當詣滿富城中受須摩提請阿
難白佛如是世尊是時阿難受佛教已即集
諸比丘在普會講堂而作是念諸有得道阿
羅漢者便取舍羅明當往受須摩提請當於

尔時衆僧上座名曰君頭波漢得須陀洹結
使未盡不得神足是時上座而作是念我今
大衆之中最是上座又結使未盡未得神足
我明日不能得至滿富城中食然如來衆中
最下坐者名均頭沙弥此有神足有大威力
得至彼受請我今亦當往受彼請尔時上座
以心清淨居在學地而受舍羅尔時世尊以
天眼清淨見君頭波漢居在學地而受舍羅
得無學尔時世尊告諸比丘或弟子中第一
受舍羅者君頭波漢比丘是也尔時世尊告諸
神足比丘大目犍連大迦葉阿那律離越須
菩提優毗迦葉摩訶迦述那尊者羅云均利

般特均頭沙弥汝等以神足先往至彼城中
諸比丘對曰如是世尊是時衆僧使人名曰
乳荼明日清旦躬負大金飛在空中往至彼
城是時彼長者及諸人民上高樓上欲觀世
尊遙見彼使人負金而來時長者與女便說
此偈

白衣而長髮

露身如疾風

又復負大金

此是汝師耶

是時女復以偈報曰

此非尊弟子

如來之使人

三道具五通

此人名乳荼

尔時乳荼使人遶城三帀往詣長者家是時

均頭沙弥化作五百華樹色若干種皆悉敷
拚其色甚好優鉢蓮華如是之華不可計限
往詣彼城是時長者遙見沙弥來復以此偈
問女曰

此華若干種
爲是汝師乎

盡在虛空中

又有神足人

是時女復以偈報曰

須跋前所說

泉上沙弥者

師名舍利弗

是彼之弟子

是時均頭沙弥遶城三匝往詣長者家是時
尊者般特化作五百頭牛衣毛皆青在牛上
結跏趺坐往詣彼城是時長者遙見復以此

偈問女曰

此諸大群牛

衣毛皆青色

在上而獨坐

此是汝師耶

女復以偈報曰

能化千比丘

在耆域園中

心神極為明

此名為般特

尔時尊者周利般特遶彼城三匝已往詣長者家尔時羅云復化作五百孔雀色若干種在上結跏趺坐往詣彼城長者見已復以此偈問女曰

此五百孔雀

其色甚為妙

如彼軍大將

此是汝師耶

時女復以此偈報曰

如來說禁戒 一切無所犯

於戒能護戒

佛子羅云者

是時羅云繞城三市往詣長者家是時尊者
迦匹那化作五百金翅鳥極為勇猛在上結
跏趺坐往詣彼城時長者遙見已復以此偈

問女曰

五百金翅鳥

極為盛勇猛

在上無所畏

此是汝師耶

時女以偈報曰

能行出入息

迴轉心善行

慧力勇猛盛

此名迦匹那

時尊者迦匹那遶城三帀往詣長者家。爾時
優毗迦葉化作五百龍，皆有七頭，在上結跏趺
坐，往詣彼城長者，遙見已，復以此偈問女曰：
今此七頭龍，威顏甚可畏，來者不可計。
此是汝師耶？

時女報曰：
恒有千弟子，
可謂此人是。

神足化毗沙

優毗迦葉者

時優毗迦葉繞城三帀，往詣長者家。是時尊
者須菩提化作瑠璃山，入中結跏趺坐，往詣
彼城。爾時長者遙見已，以偈問女曰：
此山極為妙，盡作瑠璃色，今在窟中坐。

此是汝師耶

時女復以偈報曰

由本布施報 今獲此功德 已成良福田

解空須菩提

今時須菩提繞城三匝往詣長者家時尊者
大迦旃延復化作五百鵠色皆純白往詣彼

城是時長者遙見已以此偈問女曰

今此五百鵠 諸色皆純白 盡滿虛空中

此是汝師耶

時女復以偈報曰

佛經之所說 分別其義句 又演結使聚

此名迦旃延

是時尊者大迦旃延繞彼城三帀往詣長者
家是時離越化作五百虎在上坐而往詣彼
城長者見已以此偈問女曰

今此五百虎 衣毛甚悅澤 又在上坐者

此是汝師耶

時女以偈報曰

昔在祇桓寺 六年不移動 坐禪最第一

此名離越者

是時尊者離越繞城三帀往詣長者家是時

尊者阿那律化作五百師子極為勇猛在上

坐往詣彼城是時長者見已以偈問女曰

此五百師子 勇猛甚可畏 在上而坐者

此是汝師耶
時女以偈報曰

生時地大動 珍寶出於地
清淨眼無垢

佛弟阿那律

是時阿那律遶城三匝往詣長者家是時尊者大迦葉化作五百匹馬皆朱毛尾金銀校飾在上而坐並雨天華往詣彼城長者遙見已以偈問女曰

金馬朱毛尾 其數有五百
為是轉輪王

為是汝師耶

女復以偈報曰

頭陀行第一 恒愍貧窮者
如來與半坐

最大迦葉是

是時大迦葉遶城三帀往詣長者家是時尊者大目犍連化作五百白象皆有六牙七處平整金銀校飾在上坐而來放大光明悉滿世界詣城在虛空之中作倡伎樂不可稱計雨種種雜華又虛空之中懸繒幡蓋極為奇妙亦時長者遙見已以偈問女曰
白鳥有六牙 在上如天王
今聞妓樂音 是釋迦文耶
時女以偈報曰

在彼大山中
名曰太目連

降伏難陀龍
我師故未來

神足第一者
此是弟子衆

聖師今當來 光明靡不照

是時尊者大目捷連繞城三匝往詣長者家
是時世尊已知時到被僧伽梨在虛空中去
地七仞是時尊者阿若拘隣在如來右舍利
弗在如來左今時阿難承佛威神在如來後
而手執拂千二百弟子前後圍遶如來最在
中央及諸神足弟子阿若拘隣化作月天子
舍利弗化作日天子諸餘神足比丘或化作
釋提桓因或化作梵天者或化作提頭賴吒
毗留勒形者毗留博叉或作毗沙門形者領
諸鬼神或有作轉輪聖王形者或有入火光
三昧或有入水精三昧或有放光者或有放

烟者作種種神足是時梵天王在如來右釋
提桓因在如來左手執拂密迹金剛力士在
如來後手執金剛杵毗沙門天王手執七寶
之蓋處虛空中在如來上恐有塵土坐如來
身是時般遮旬手執瑠璃琴歎如來功德及
諸天神悉在虛空之中作倡妓樂數千萬種
雨天雜華散如來上是時波斯匿王阿那邠
邠長者及舍衛城內人民之類皆見如來在
虛空中去地七仞見已皆懷歡喜踊躍不能
自勝是時阿那邠邠長者便說此偈
如來實神妙 愛民如赤子 快哉須摩提
當受如來法

今時波斯匿王及阿那邠邠長者散種種名
香雜華是時世尊將諸比丘衆前後圍遶及
諸神天不可稱計如似鳳凰在虛空中往詣
彼城是時般遮旬以偈歎佛

諸生結永盡
入彼舊邦土

意念不錯亂
心性極清淨

以無塵垢礙
斷魔邪惡念

功德如大海

今入彼邦土

顏貌甚殊特

諸使永不起

爲彼不自處

今入彼邦土

以度四流淵

脫於生老死

以斷有根元

今入彼邦土

是時滿財長者遙見世尊從遠來諸根澹薄
世之希有淨如天金有三十二相八十種好

莊嚴其身猶須彌山出衆山上亦如金聚放
大光明是時長者以偈問須摩提曰

此是日光耶 未曾見此容 數千萬億光

未敢能熟視

是時須摩提女長跪叉手向如來以此偈報

長者曰

非曰非不曰

而放千種光

爲一切衆生

亦復是我師

皆共歎如來

如前之所說

今當獲大果

勤加供養之

是時滿財長者右膝著地復以偈歎如來曰

自歸十力尊

圓光金色體

天人所歎敬

今日自歸命

尊今是日王

如月星中明

以度不度者

今日自歸命

尊如天帝像

如梵行慈心

自脫脫衆生

今日自歸命

天世人中尊

諸鬼神王上

降伏諸外道

今日自歸命

是時須摩提女長跪叉手歎世尊曰

自降能降他

自正復正人

以度度人民

已解復脫人

度岸使度岸

自照照群萌

靡不有度者

除闢無闢訟

極自淨潔住

心意不傾動

十力哀愍世

重自頂禮敬

有慈悲喜護之心具空無相願於欲界中最

尊第一天中之上七財具足擁護天人自然

梵生亦無與等亦不可像貌我今自歸命是

時六千梵志見世尊作如此神變各各自相
謂言我等可離此國更適他土此沙門瞿曇
已降此國中人民是時六千梵志尋出國去
更不復入國猶如師子狩王出於山谷而觀
四方復三鳴吼方行所求諸有狩虫之類各
奔所趣莫知所如飛逝沉伏若復有力神象
聞師子聲各奔所趣不能自安所以然者由
師子狩王極有威神故此亦如是彼六千梵
志聞世尊音響之聲各各馳走不得自寧所
以然者由沙門瞿曇有大威力故是時世尊
還捨神足如常法則入滿富城中是時世尊
足蹈門闕上是時天地大動諸尊神天散華

供養是時人民見世尊容貌諸根寂靜有三
十二相八十種好而自莊嚴人民之類便說
此偈

二足尊極妙 梵志不敢當 無故事梵志
失此人中尊

是時世尊往詣長者家就座而坐尔時彼國
人民極爲熾盛時長者家有八万四千人民
之類皆悉雲集欲壞長者房舍見世尊及比
丘僧尔時世尊便作是念此人民之類必有
所損可作神力使舉國人民盡見我身及比
丘僧尔時世尊化長者屋舍作瑠璃色内外
相視如似觀掌中珠尔時須摩提女前至佛

所頭面礼足悲喜交集便說此偈

一切智慧具盡度一切法復斷欲愛網

我今自歸命寧使我父母而毀我雙目

不來適此間邪見五逆中宿作何惡緣

得來至此處如鳥入羅網願斷此疑結

尔時世尊復以偈報女曰

汝今快勿慮澹薄自開意亦莫起想著

如來今當演汝本無罪緣得來至此間

願誓之果報欲度此衆生今當拔根元

不墮三惡趣數千衆生類汝前當得度

今日當淨除使得智慧眼使天人民類

見汝如觀珠

是時須摩提女聞此語已歡喜踊躍不能自勝是時長者將已僕從供給飲食種種甘饌見世尊食已訖行清淨水更取一小座在如來前坐及諸營從及八万四千衆各各次第坐或有自稱姓名而坐介時世尊漸與彼長者及八万四千人民之類說於妙論所謂論者戒論施論生天之論欲不淨想漏爲穢惡出家爲要介時世尊以見長者及須摩提女八万四千人民之類心開意解諸佛世尊常所說法苦習盡道普與此衆生說之彼各於座上諸塵垢盡得法眼淨猶如極淨白氎易染爲色此亦如是滿財長者須摩提女及八

万四千人。民之類。諸塵垢盡。得法眼淨。無復狐疑。得無所畏。皆自歸三尊。受持五戒。是時須摩提女。即於佛前。而說此偈。

如來耳清徹。聞我遇此苦。降神至此化。諸人得法眼。

尔時世尊已說法訖。即從座起。還詣所在。是時諸比丘白佛言。須摩提女。本作何因緣。生富貴家。復作何因緣。墮此邪見之家。復作何善功德。今得法眼淨。復作何功德。使八万四千人皆得法眼淨。

尔時世尊告諸比丘。過去久遠。此賢劫中有迦葉佛。明行成爲善逝。世間解無上士道法。

御天人師号佛衆祐在波羅柰國界於中遊
化與大比丘衆二万人俱

尔時有王名曰哀愍有女名須摩那是時此
女極有敬心向迦葉如來奉持禁戒恒好布
施又四事供養云何爲四一者布施二者愛
敬三者利人四者等利於迦葉如來所而誦
法句在高樓上高聲誦習普作此願恒有此
四愛之法又於如來前而誦法句其中設有
毫釐之福者所生之處不墮三惡趣亦莫墮貧
家當來之世亦當復值如此之尊使我莫轉
女人身即於女身得法眼淨是時城中人民
之類聞王女作如此誓願皆共聚集至王女

所而作是說王女今日極爲篤信作諸功德
四事不乏布施兼愛利人等利復作誓願使
當來之世值如此之尊若爲我說法尋得法
眼淨今日王女已作誓願并及我等國土人
民同時得度尔時王女報曰我持此功德并施
汝等設值如來說法者同時得度汝等比丘

豈有疑乎莫作是觀尔時哀愍王今須達長
者是尔時王女者今須摩提女是也尔時國
土人民之類今八万四千衆是由彼誓願令
值我身聞法得道及彼人民之類盡得法眼
淨此是其義當念奉行所以然者此四事者
最是福田若有比丘親近四事者便獲四諦

當求方便成四事法如是諸比丘當作是學
今時諸比丘聞佛所說歡喜奉行

增壹阿含經卷第二十二

馨

羅閱

王下音悅也

鞅

央正作

邠邠

下上布中

祠

祭音詞也

祀

上方

訓匹

字上儔侶也

儔

儔直留反

疋

疋

祠

祭音詞也

祀

祭也

索我

責上反

均

決自反也

睹

猪字

釀

醞酒也

白

毳

細毛布

毳衣

毛上線補綴也

驢騾

和反

涕零

下郎也

上音體

淚下

五刑

下吾骨反

斷

耳鼻

斷

頭

也應

師音義

合

愁惋

下烏貫

修跋

反下

者

名或

刻恐誤也

徑上

上直也

愕然

反上

侵枉

反下

曲正

侵也

媾娶

取妻之

号

愕然

反上

擗

耳 字上 掩 反 咄 括丁骨反 啞 又丁 笑 上尺 粗 寸古反

漬 浸在 智 反 盪 音 浣 胡 泐 伴反 躄 徒 蹋 也 降 反

澆 古堯 反 曝 乾也 一 音暴 靡 不反 上 無也 降

鬼 江上 反 作 莫班反 籌 直 流 反 迦 还反 音 浮

軋 茶下 音 釜 鑊也 覲 渠鎮反 敷 拆反 下 芳無

隔 反 耆 域下 于 力反 金 翅反 鳥 名 鵠 白 匹

俗 作 校 飾 上 音 倡 妓 上 音 昌 繒 疾 陵 反 七 仞

下 音 尺 一 阿 若 下 汝 坊 全 上 蒲 悶 反 塵 一 琴 琴

巨 金 反 匿 王 上 反 邦 土 上 非 淵 深 鳥 懸 反 澹 泊

上 音 淡 下 音 埠 岸 適 往 尸 也 亦 反 狩 獸 正 作 蹈 履 音 盜

門 闕 下 呼 域 反 甘 饌 反 食 也 狐 疑 上 音 毫 釐

下 力 之 反 十 毫 日 作 釐 非

